

**JU ZAVOD ZA HITNU  
MEDICINSKU POMOĆ  
KANTONA SARAJEVO  
Direktor Zavoda  
Broj: 01- 32471/18-3  
Datum: 04.9.2018.godine**

Na osnovu člana 64. stav 1. tačka a), člana 70. st. 1, 3. i 6. Zakona o javnim nabavkama („Službene novine BiH“, broj 39/14), na preporuku Komisije za javnu nabavku sanitetskog materijala broj: 01-32471/18-2 od 03.9.2018.godine, u postupku javne nabavke sanitetskog materijala Lot 1 Flasteri, direktor Zavoda je donio

## **ODLUKU o izboru najpovoljnijeg ponuđača**

### **Član 1.**

**Prihvata se preporuka Komisije za javnu nabavku sanitetskog materijala Lot 1 Flasteri, broj: 01-32471/18-2 od 03.9.2018.godine i ugovor za javnu nabavku Flastera, dodjeljuje se ponuđaču GLOBEX d.o.o, ponuda broj: 01-08/18, zaprimljena na protokol Zavoda broj 32455 dana 24.8.2018.godine za ponuđenu cijenu od 2.050,00 KM, bez PDV-a, kao najbolje ocijenjenom.**

### **Član 2.**

Prijedlog ugovora o nabavci dostavit će se na potpis izabranom ponuđaču GLOBEX d.o.o po isteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

### **Član 3.**

Za izvršenje ove odluke zadužuje se i ovlašćuje Služba pravnih i kadrovskih poslova.

### **Član 4.**

Ova odluka objavit će se na web-stranici [www.hitnaks.ba](http://www.hitnaks.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 5.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-31698-1/18 od 24.7.2018.godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 2.155,00 KM.

Obavještenje o nabavci broj: 39-1-1-93-3-44/18 poslato je na objavljivanje dana 03.8.2018. godine, a objavljeno je na Portalu javnih nabavki dana 03.8.2018. godine, sažetak obavještenja o nabavci objavljen je u „Sl. glasniku BiH“, broj 55 od 10.8.2018.godine.

Komisija za javnu nabavku imenovana je Odlukom broj: 01-31698-2/18 od 03.8.2018. godine.

Komisija za javnu nabavku dostavila je dana 03.9.2018. godine izvještaj o radu broj: 32471/18 od 24.8.2018. godine, izvještaj o ocjeni ponuda broj: 32471/18-1 od 03.9.2018. godine i Preporuku o izboru najpovoljnijeg ponuđača broj: 32471/18-3 od 03.9.2018. godine, u postupku javne nabavke sanitetskog materijala-flastera.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3;
- da su blagovremeno zaprimljene 3 ponude;
- da su neblagovremeno zaprimljene 0 ponuda;
- **da su ponude ponuđača SANAM STYRKA d.o.o, ENA d.o.o i GLOBEX d.o.o prihvatljive;**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

### Najniže cijene, kako slijedi:

Naziv / ime ponuđača		Ukupna cijena ponude
1.	GLOBEX d.o.o	2.398,50 KM
2.	SANAM STYRKA d.o.o	2.620,38 KM (sa primjenom pref.tretmana domaćeg) 2.911,54 KM (bez primjene)

		pref.tretmana domaćeg)
3.	ENA d.o.o	2.737,80 KM 2.911,54 KM

Izabrani ponuđač GLOBEX d.o.o je izabran primjenjujući kriterij najniže cijene, koja je ponuđena u iznosu 2.398,50 KM sa PDV-om, dok su ostali ponuđači dostavili ponude kako slijedi:

Ponuđač SANAM STYRKA d.o.o dostavio ponudu u iznosu od 2.911,54 KM sa PDV-om, odnosno 2.620,38 KM sa PDV-om računajući preferencijalni tretman domaćeg.

Ponuđač ENA d.o.o je dostavio ponudu u iznosu od 2.737,80 KM.

Iz navedenih razloga, primjenom člana 64. stav 1. (najniža cijena) Zakona o javnim nabavkama odlučeno je kao u članu 1. ove odluke.

**Pouka o pravnom lijeku:** Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



**Dostaviti:**

- Ponuđaču: GLOBEX d.o.o
- Ponuđaču: ENA d.o.o
- Ponuđaču: SANAM STYRKA d.o.o
- Arhiva